

NAQQIUT

26. februar 2016-imí siunnersuutigineqartoq taarserpaa

(Kalaallisut qulequttat assigiissaarniarlugit, naqqiut siunnersuutip kalaallisuuaniq naqqiivoq.
Siunnersuutip qallunaatuani allannguisoqanngilaq)

**Uunga siunnersuut: Qalerallit akitsuutaat aamma aalisakkat ikerinnarsiortut ilaasa
Tunumi aalisarnermi pisarineqartut akitsuutaat pillugit Inatsisartut inatsisaata
allanngortinneqarneranik Inatsisartut inatsisaat nr. x, xXx 2016-imeersoq** (Saarulliit,
kullerit, saarulliusaat aamma suluppaakkat akitsuutaat)

§ 1

Qalerallit avataasiroluni aalisarnermi pisarineqartut akitsuutaat pillugit Inatsisartut
inatsisaanni nr. 11, 3. december 2012-imeersumi, Inatsisartut inatsisaatigut nr. 9, 29.
november 2013-imeersukkut, Inatsisartut inatsisaatigut nr. 10, 8. juni 2014-imeersukkut
aamma Inatsisartut inatsisaatigut nr. 35, 9. december 2015-imeersukkut allanngortinneqartumi
makku allannguutigitinneqarput:

1. Inatsisip taaguutaa ima oqaasertaqassaaq:

”Qalerallit aamma aalisakkat allat ilaasa akitsuutaat pillugit Inatsisartut inatsisaat.”

2. § 1, imm. 1, ima oqaasertaqassaaq:

”Qalerallit aamma aalisakkat allat ilaasa Kalaallit Nunaata aalisarnikkut oqartussaaffigisaani,
nunat allat aalisarnikkut oqartussaaffigisaanni imaluunniit nunat tamat imartaanni
aalisanneqartut akitsuutaat inatsimmi matumani aalajangersakkat naapertorlugit
akilerneqassapput.”

3. § 1, imm. 2, ima oqaasertaqassaaq:

”Naalakkersuisut aamma nunani allani nunamiluunniit maani oqartussaasut aalisarneq pillugu
isumaqatigiissutaat naapertorlugit Kalaallit Nunaata aalisarnikkut oqartussaaffigisaani
aalisanneq inatsimmi matumani pineqartunut ilaangilaq.”

4. § 2-mi imm. 2-p kingornagut immikkoortutut nutaatut ilanngunneqassaaq:

” Imm. 3. Imm. 1-imí pineqartuni akitsuut pisat uumatillugit oqimaassusiat naapertorlugu
naatsorsorneqassaaq.”

**5. § 3-p kingornagut aamma § 3b-p siornagut qulequtaq peerneqassaaq, aalajangersakkallu
taakku akornanniittut atorunnaarsinnejassallutik. Taarsiullugu ilanngunneqassaaq:**

"Aalisakkat ikerinnarsiortut ilaasa akitsuutaat"

”§ 3a. Suliffeqarfuit imaluunniit inuit aalisakkat ikerinnarsiortut ilaannik Tunumi, nunat allat aalisarnikkut oqartussaaffigisaanni imaluunniit nunat tamat imartaanni aalisarnissamut pisassinneqarsimasut landskarsimut akitsummik akiliissapput. Akitsuutit, angallatinut Kalaallit Nunaanni angerlarsimaffeqartutut aamma Danmarkimi, Savalimmuni nunaniluunniit allani angerlarsimaffeqartutut nalunaarsorneqarsimasunut tunngatillugu angissuseqarput:

- 1) Ammassassuaq,
 - a) angallat Kalaallit Nunaanni angerlarsimaffeqartutut nalunaarsorneqarsimasoq atorlugu pisarineqartoqkiilumut 0 kr. 25 øre.
 - b) angallat Danmarkimi, Savalimmuni nunaniluunniit allani angerlarsimaffeqartutut nalunaarsorneqarsimasoq atorlugu pisarineqartoqkiilumut 0 kr. 80 øre.
- 2) Ammassak,
 - a) angallat Kalaallit Nunaanni angerlarsimaffeqartutut nalunaarsorneqarsimasoq atorlugu pisarine-qartoqkiilumut 0 kr. 15 øre.
 - b) angallat Danmarkimi, Savalimmuni nunaniluunniit allani angerlarsimaffeqartutut nalunaarsorneqarsimasoq atorlugu pisarineqartoqkiilumut 0 kr. 70 øre.
- 3) Avaleraasartooq,
 - a) angallat Kalaallit Nunaanni angerlarsimaffeqartutut nalunaarsorneqarsimasoq atorlugu pisarine-qartoqkiilumut 0 kr. 95 øre.
 - b) angallat Danmarkimi, Savalimmuni nunaniluunniit allani angerlarsimaffeqartutut nalunaarsorneqarsimasoq atorlugu pisarineqartoqkiilumut 1 kr. 50 øre.”

Imm. 2. Aktie- imaluunniit anpartsselskabip Kalaallit Nunaanni angerlarsimaffeqartup angallat Danmarkimi, Savalimmuni nunaniluunniit allani angerlarsimaffeqartutut nalunaarsorneqarsimasoq inuttaqartinnagu, kisiannili angallatip naalagaa, maskinmesteria taakkuluunniit marluk kisiisa ilanngullugit attartorpagu, akitsuutit angallatinut Kalaallit Nunaanni angerlarsimaffeqartutut nalunaarsorneqarsimasunut atuuttut akilerneqassapput.

Qalerallit sinerissap qanittuani pisarineqartut akitsuutaat”

6. § 3b-p kingornagut qulequtaq nutaaq ilanngunneqassaaq:

”Saarulliit, kollerit, saarulliusaat aamma suluppaakkat akitsuutaat”

7. Qulequttap nutaap kingornagut ilanngunneqassaaq:

”§ 3c. Suliffeqarfiiit imaluunniit inuit avataasiorluni aalisarnermi saarullinniarnissamut, kullererniarnissamut, saarulliusaarniarnissamut imaluunniit suluppaagarniarnissamut pisassinneqarsimasut akitsuummik kiilumut 0,55 kr.-iusumik akiliissapput.”

8. § 3c-p nutaap kingornagut qulequtaq nutaaq ilanngunneqassaaq:

”Akitsuummik naatsorsuineq akiliinerlu”

9. § 4, imm. 2-mi 3-milu allassimasoq ”§ 3, imm. 1 aamma § 3 a” allanngortinneqassaaq ima: ”§ 3, imm. 1, § 3a aamma § 3c”.

10. § 8, imm. 1 ima oqaasertaqassaaq:

”§ 1, imm. 1-imik, § 3, imm. 1-imik, § 3a, imm. 1-imik, § 3b-mik, § 3c-mik, § 4, imm. 2-mik 3-milluunniit, § 4a, imm. 1-imik 2-millu piaaraluneerluni mianersuaalliorujussuarluniluunniit unioqqutitsineq, imaluunniit akiliinissamut piffissaliussamit sivikinnerusumik piffissaqarluni akiliinissamik qularnaveeqquisiinissamilluunniit § 5 naapertorlugu peqquneqarnermik malinninnginneq Kalaallit Nunaanni pinerluttulerinermik inatsimmi maleruagassat naapertorlugit pineqaatissiinermik kinguneqarsinnaavoq.”

§ 2

Inatsisartut inatsisaat 1. januar 2017-imi atortuulissaaq.

Namminersorlutik Oqartussat, ulloq x. xXx 2016

Kim Kielsen